

# ՀԱՄԱՁԱՅՆԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌԸՆԹԵՐ ՀԱՐԿԱՅԻՆ  
ՊԵՏԱԿԱՆ ԾԱՌԱՅՈՒԹՅԱՆ ԵՎ ԼԻՏՎԱՅԻ ՀԱՆՐԱՊԵՏՈՒԹՅԱՆ ՖԻՆԱՆՍՆԵՐԻ  
ՆԱԽԱՐԱՐՈՒԹՅԱՆ ԱՌԸՆԹԵՐ ՊԵՏԱԿԱՆ ՀԱՐԿԱՅԻՆ ՏԵՍՉՈՒԹՅԱՆ  
ՄԻՋԵՎ ՀԱՐԿԱՅԻՆ ՀԱՐՑԵՐՈՒՄ ՓՈԽԱԴԱՐՁ ՎԱՐՉԱԿԱՆ  
ՕԳՆՈՒԹՅԱՆ ՄԱՍԻՆ

Հայաստանի Հանրապետության Կառավարությանն առընթեր հարկային պետական ծառայությունը և Լիտվայի Հանրապետության ֆինանսների նախարարությանն առընթեր պետական հարկային տեսչությունը, այսուհետ՝ Պայմանավորվող կողմեր,

ղեկավարվելով Հայաստանի Հանրապետության և Լիտվայի Հանրապետության միջև եկամուտների և գույքի կրկնակի հարկումը բացառելու և հարկերի վճարումից խուսափելը կանխելու մասին 2000թ. մարտի 13-ի կոնվենցիայի (այսուհետ՝ Կոնվենցիա) 26-րդ՝ «Տեղեկատվության փոխանակում» հոդվածով և ընդհանուր առմամբ Կոնվենցիայի դրույթներով,

հաշվի առնելով Պայմանավորվող կողմերի ազգային հարկային օրենսդրության պահպանման վերաբերյալ միջազգային համագործակցության և փոխադարձ օգնության կարևորությունը,

այդ նպատակով ցանկանալով միմյանց հնարավորին չափ լայն փոխադարձ օգնություն ցուցաբերել,

համաձայնեցին հետևյալի մասին.

## ՀՈԴՎԱԾ 1 ՏԵՐՄԻՆՆԵՐ և ՍԱՀՄԱՆՈՒՄՆԵՐ

Սույն Համաձայնագրի նպատակների համար օգտագործվող սահմանումները նշանակում են.

«հարկային օրենսդրություն»՝ իրավական նորմերի ամբողջություն, որոնք սահմանում են Հայաստանի Հանրապետության կամ Լիտվայի Հանրապետության տարածքում բյուջե վճարվող հարկերի և այլ պարտադիր վճարների տեսակները և դրանց գանձման կարգը ու կառավարում են հարկային պարտավորությունների առաջացման, փոփոխման և դադարեցման հետ կապված հարաբերությունները,

«Իրավասու մարմիններ»՝

Հայաստանի Հանրապետության կողմից՝ Հայաստանի Հանրապետության Կառավարությանն առընթեր հարկային պետական ծառայություն,

Լիտվայի Հանրապետության կողմից՝ Լիտվայի Հանրապետության ֆինանսների նախարարության պետական հարկային տեսչություն,

«Հարցնող հարկային մարմին»՝ Պայմանավորվող կողմ, որը օգնության վերաբերյալ հարցում է կատարում կամ տրամադրում է տեղեկատվություն,

«Հարցվող հարկային մարմին»՝ Պայմանավորվող կողմ, որը օգնության վերաբերյալ ստանում է հարցում կամ տեղեկատվություն:

## ՀՈԴՎԱԾ 2 ՕԳՆՈՒԹՅԱՆ ՁԵՎԸ ԵՎ ԼԵԶՈՒՆ

Պայմանավորվող կողմերը միմյանց փոխադարձ օգնություն են ցուցաբերում հետևյալ կերպով.

- օգնության վերաբերյալ հարցմամբ,
- տեղեկատվության ավտոմատ փոխանակմամբ,
- տեղեկատվության նախաձեռնողական (համապատասխան) փոխանակմամբ:

Օգնության իրականացման պաշտոնական լեզուն անգլերենն է:

Պայմանավորվող կողմերն իրավունք ունեն տեղեկատվություն տրամադրել կողմերի պետական լեզուներով՝ կցելով ռուսերեն կամ անգլերեն թարգմանությունները:

### ՀՈՂՎԱԾ 3

#### ՕԳՆՈՒԹՅԱՆ ՎԵՐԱԲԵՐՅԱԼ ՀԱՐՑՈՒՄ

Օգնության վերաբերյալ հարցման իրականացում նշանակում է Հարցվող հարկային մարմնի կողմից հարկային հարցերում տեղեկատվության տրամադրում՝ պետությունում գործող ազգային օրենսդրության համապատասխան:

Օգնության վերաբերյալ հարցումն իրականացվում է գրավոր՝ օգտագործելով փոստային կապը: Օգնության վերաբերյալ հարցման կամ տեղեկատվության տրամադրման իսկության հետ կապված կասկածներ առաջանալու դեպքում Պայմանավորվող կողմերը կարող են գրավոր դիմել միմյանց՝ հաստատելու համար իսկությունը՝ ներկայացնելով քննարկման համար համապատասխան նյութերը:

Օգնության վերաբերյալ հարցումն իր մեջ պետք է ներառի.

- հարցող հարկային մարմնի անվանումը,
- հարցվող հարկային մարմնի անվանումը,
- հարցման նպատակն ու պատճառը,
- այն հարկատուի անվանումը (անունը) և գրանցման տվյալները, որի նկատմամբ արվում է հարցում,
- հարցման էության և դրա հետ կապված իրավաբանական հանգամանքների հակիրճ շարադրանքը՝ նշելով քննարկվող ժամանակահատվածը և բյուջե վճարվող հարկերի կոնկրետ տեսակներն ու այլ պարտադիր վճարները:

Հարցվող Հարկային մարմինն իրավունք ունի պահանջելու լրացուցիչ տեղեկություններ օգնության վերաբերյալ ստացված հարցման մասին:

### ՀՈՂՎԱԾ 4

#### ՏԵՂԵԿԱՏՎՈՒԹՅԱՆ ԱՎՏՈՍԱՏ ՓՈԽԱՆԱԿՈՒՄ

Տեղեկատվության ավտոմատ փոխանակումը ենթադրում է հարկման բնագավառում տեղեկատվության պաշտոնական փոխանակում փոխադարձության հիման վրա՝ առանց հատուկ հարցադրման, և իրականացվում է Պայմանավորվող կողմերի կողմից՝ ըստ համաձայնության, յուրաքանչյուր տարի մինչև հունիսի 1-ը՝ գրավոր և (կամ) էլեկտրոնային ձևով, ազգային օրենսդրության համաձայն:

Մինչև տվյալների հավաքման համապատասխան օրենսդրության ուժի մեջ մտնելը Պայմանավորվող կողմը այդպիսի տեղեկատվությունը սեփական մախաճեռնությամբ փոխանցում է մյուս Պայմանավորվող կողմին:

Տեղեկատվության ավտոմատ փոխանակումը ներառում է Պայմանավորվող կողմերից մեկի ռեզիդենտների եկամուտների վերաբերյալ տեղեկատվության փոխադարձ փոխանակում, որոնք ստացվում են մյուս Պայմանավորվող կողմի կողմից կամ այլ Պայմանավորվող կողմերից մեկից:

### ՀՈՂՎԱԾ 5

#### ՏԵՂԵԿԱՏՎՈՒԹՅԱՆ ՆԱԽԱՁԵՌՆՈՂԱԿԱՆ (ՍՊՈՆՏԱՆ) ՓՈԽԱՆԱԿՈՒՄ

Տեղեկատվության մախաճեռնողական (սպոնտան) փոխանակում նշանակում է սեփական մախաճեռնությամբ ցանկացած տեղեկատվության տրամադրում, որը ստացվել է մի Պայմանավորվող կողմի կամոնավոր վարչական գործունեության հետևանքով, և որը կարող է հետաքրքրություն ներկայացնել մյուս Պայմանավորվող կողմի համար:



## **ՀՈՂՎԱԾ 6 ԱՅԼ ՕԳՆՈՒԹՅՈՒՆ**

Մի Պայմանավորվող կողմը մյուս Պայմանավորվող կողմին տեղեկացնում է օրենսդրության փոփոխությունների մասին, որոնք կարող են, սույն Համաձայնագրին համապատասխան, շոշափել առաջինը նշված Պայմանավորվող կողմի պարտավորությունները, ինչպես նաև այդպիսի Պայմանավորվող կողմի երկրի մշտական ռեզիդենտի պարտավորությունները այլ Պայմանավորվող կողմի երկրում:

Անհրաժեշտության դեպքում մի Պայմանավորվող կողմը հաստատում է ֆիզիկական և իրավաբանական անձանց փաստաթղթերի պատճենները, որոնք մյուս Պայմանավորվող կողմից պահանջվում են հարկման նպատակների համար:

## **ՀՈՂՎԱԾ 7 ՀԱՄԱՏԵՂ ՀԱՐԿԱՅԻՆ ՍՏՈՒԳՈՒՄՆԵՐ**

Տեղեկատվության փոխանակման ոլորտում և հարկերի վճարումից խուսափելու դեպքերի դիտարկման արդյունավետությունն առավելագույն աստիճանի հասցնելու համար Պայմանավորվող կողմերը, ազգային օրենսդրության դրույթներին համապատասխան, կարող են իրականացնել համատեղ հարկային ստուգումներ, որոնց կազմակերպման կարգը սահմանվում է Պայմանավորվող կողմերի համաձայնությամբ:

## **ՀՈՂՎԱԾ 8 ՕԳՆՈՒԹՅԱՆ ՄԵՐԺՈՒՄ**

Այն դեպքում, երբ Հարցվող հարկային մարմինը գտնի, որ օգնության ցուցաբերումը կարող է վնաս հասցնել իր պետության ինքնիշխանությանը, անվտանգությանը, պետական քաղաքականությանը կամ այլ կարևոր շահերին կամ հանգեցնել արդյունաբերական, առևտրային կամ պրոֆեսիոնալ գաղտնիքների խախտման, ապա կարող է հրաժարվել օգնություն ցուցաբերելուց, սույն Համաձայնագրի համաձայն, կամ տրամադրել այն հատուկ պայմանների կամ պահանջների առկայության դեպքում:

Այն դեպքում, երբ օգնությունը չի կարող ցուցաբերվել, ապա Հարցվող հարկային մարմինը անհապաղ տեղեկացնում է մերժման պատճառների մասին:

Օգնության ցուցաբերումը կարող է Հարցվող հարկային մարմնի կողմից հետաձգվել այն պատճառով, երբ դրա իրականացումը կարող է ազդեցություն ունենալ հետաքննության կամ դատաքննության գործընթացի վրա:

## **ՀՈՂՎԱԾ 9 ԳԱՐՏՆԻՈՒԹՅԱՆ ՊԱՀՊԱՆՈՒՄԸ**

Պայմանավորվող կողմերից ստացված տեղեկատվությունը օգտագործվում և հրապարակվում է միայն այնպես, ինչպես նախատեսված է Կոնվենցիայի 26-րդ՝ «Տեղեկատվության փոխանակում» հոդվածում:

## **ՀՈՂՎԱԾ 10 ՖԻՆԱՆՍԱՎՈՐՄԱՆ ԿԱՐԳԸ**

Պայմանավորվող կողմերն ինքնուրույն են հոգում սույն Համաձայնագրի կիրարկման հետ կապված բոլոր ծախսերը, եթե յուրաքանչյուր կոնկրետ դեպքում չի սահմանվում ծախսերի ֆինանսավորման այլ կարգ:

ՀՈԴ-ՎԱՏ 11  
ՎԵՃԵՐԻ ԼՈՒՇՄԱՆ ԿԱՐԳԸ

Պայմանավորվող կողմերը ձգտելու են փոխհամաձայնեցման ցանկացած վիճակի հարցի կարգավորման գործում, որը կարող է ծագել սույն Համաձայնագրի մեկնաբանման կամ կիրառման ժամանակ: Սույն Համաձայնագրի պայմանների մեկնաբանման կամ կիրառման ժամանակ վեճեր առաջանալու դեպքում Պայմանավորվող կողմերը պիտի կրծեն մակցությունների և խորհրդակցությունների միջոցով:

ՀՈԴ-ՎԱՏ 12  
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ

Պայմանավորվող կողմերից յուրաքանչյուրի նախաձեռնությամբ սույն Համաձայնագրում կարող են կատարվել փոփոխություններ և լրացումներ, որոնք կձևակերպվեն առանձին արձանագրությամբ և կկազմեն սույն Համաձայնագրի անբաժանելի մասը:

Արձանագրությունն ուժի մեջ կմտնի սույն Համաձայնագրի ուժի մեջ մտնելու համար նախատեսված կարգով և կհամընդհանուր վերջինիս անբաժանելի մասը:

ՀՈԴ-ՎԱՏ 13  
ՀԱՍՏԱՉԱՅՆԱԳՐԻ ՈՒՅԻ ՍԵՋ ՄՏՆԵԼԸ և ԳՈՐԾՈՂՈՒԹՅՈՒՆԸ ԴԱՂԱՐԵՑՆԵԼԸ

Սույն Համաձայնագրի գործողությունը կարող է դադարեցվել Պայմանավորվող կողմերից որևէ մեկի՝ աշղպիսի մտադրության մասին մյուս Պայմանավորվող կողմին դիվանագիտական ուղիներով ծանուցելու օրվանից վեց ամիս հետո:

Սույն Համաձայնագիրն ուժի մեջ է մտնում դրա համար անհրաժեշտ՝ Պայմանավորվող կողմերի ազգային օրենսդրությամբ ստեղծված ընթացակարգեր սովորաբար մասին դիվանագիտական ուղիներով վերջին ծանուցումը ստանալու օրվանից և գործում է անորոշ ժամկետով:

Կատարվել է 200 5 թ. հուլիսի 16-ին, ժ. 14<sup>00</sup>-ին, երեք բնօրինակով, յուրաքանչյուրը՝ լիտվերեն, հայերեն և անգլերեն: Սույն Համաձայնագրի մեկնաբանման ընթացքում տարաձայնություն առաջանալու դեպքում նախապատվությունը կտրվի: անգլերեն տեքստին:

Հայաստանի Հանրապետության  
Կառավարությանն առընթեր  
հարկային պետական  
ծառայության կողմից՝

Լիտվայի Հանրապետության  
Ֆինանսների նախարարությանն  
առընթեր պետական հարկային  
տեսչության կողմից՝